



Universitäts- und Landesbibliothek Sachsen-Anhalt

urn:nbn:de:gbv:3:1-521239-p0002-1

DFG

EXERCITATIO JURIDICA
De
P V P I L L O

INFANTE MAIORE,

JOVA JUVANTE,

Sub
Moderamine

V I R I

*Nobilissimi, Amplissimi, Consultissimi,
atque Excellentissimi*

DN. JOHANN - MELCHI-
ORIS ~~SACCHENSE~~


J. U. D. & in Inlyta Argentoratensium Universitate
Inst. Imperial. Professoris Ordinarij Famigeratissimi,
Patroni, Fautoris & Præceptoris sui omni Honoris ac
observantiæ titulo ætatem deve-
nerandi.

SOLENNI Eruditorum ventilationi exponet

FRIDERICUS DECKHER R, Argentorat.

Aut. & Resp.

Ad diem 20. Mensis Martij



ARGENTORATI

Typis JOHANNIS WELPERI.

M. DC. LXV.

~~81~~

14

1665, 13.



C. B. D.
DISPUTATIONIS
 De
PUPILLO INFANTE MAIORE,
Proæmium.

Niserabilem omnino esse Pupil-
 lorum conditionem, ut quo-
 rum ætas imbecilla, imperita,
 & multorum insidiis & captio-
 nibus est exposita, patet ex l. 2. *D. de mi-*
nor. § t.t. C. quando Imperat. int. pupill.
vel alias miserab. pers. cogn. Quia in Constitu-
 tione Imperator Justinianus pro insigni
 animi sui humanitate, non tantum bene-
 volentiam suam, qua ejusmodi miseras
 personas, quales pupilli sunt, prosequitur,
 exponit, sed & omne auxilium & subsidi-
 um, quo miseriam eorum sublevaret, juxta
 præceptum Divinæ Majestatis Exod. *cap.*
 22. v. 22. promittit, & ceteros, præsertim Le-

A gisla-

gislatores , ut idem facerent , adhortatur
in Nov. 72. Imitatus in hoc Sacratiss. Impe-
rat. Divum Severum, qui Imperatorij quo-
que muneris hoc esse censuit , & omnem
se rationem adhibere subveniendis Pupil-
lis , quia ad curam publicam pertinet , re-
scrispsit in l. 2. §. 2. D. qui pet. tut. Multa
itaque Legumlatores in favorem eorum,
ut qui ob lubricum ætatis sibi ipsis prospic-
cere nequeunt , pie & utiliter introduxe-
runt , quos , ut aliqua ex parte imitarer , con-
stitui & ipse de *Pupillis* , eorumque jure &
Privilegijs , ea quæ hinc inde in jure Civili
diffusa sunt , colligere , & Disputationis pu-
blicæ loco proponere . Quoniam verò Ma-
teriæ amplitudo , si omnium pupillorum
jura recensere voluissem , latius sese ex-
tensura videbatur , quam ut instituti ratio
ferret , ideoque *Generalia* quædam , omni-
um Pupillorum communia , præmisi , Jura
postmodum *specialia Pupillorum Infantia*
majorum , accuratori tractatione subjectu-
rus : sperans non inutilem operam in tam
pia & necessaria juris parte me collocatu-
rum , quod , ut fiat , Deum Ter. Opt. Max. eni-
xe oro atque obsecro .

Thesis I.

Ut autem convenienti ordine ingrediar, prius examinanda est nominis ratio, ubi statim occurrit vocabuli *Pupilli* *Etymologia*. Videtur autem illud derivari à verbo *Pupus*, quod apud veteres Puerum, item *Pupa*, quod Puellam significabat, ut in illo Martial, *Epigram. lib. 4.*

Dicit se vetulam cum sit Cærelia Pupa,

Pupam se dicit Gellia, cum sit anus.

Et abusive etiam pro imagunculis illis puellaribus, quibus virgines in prima pueritia lusitare solebant, donec pubertati vicinæ, eas Veneri offerrent, accipiebatur, quas etiamnum nostro idiomate *Puppen*/ vulgo vocari videmus; donec tandem, in Schola Jutorum recepta vox *Pupilli*, ad eos tantum, qui Parentibus orbati, in potestate tutoria essent, restringetur.

II.

Pergimus ad *Homonymiam* vocabuli *pupilli*, quod sumitur I. *Latissime*, pro pubere minore l. 20. de *Rit. Nupt.* l. 15. de *Spons.* II. *Late*, pro quovis Impubere, sive Patrem habeat, sive non, ut in l. 18. in f. C. de *Iur. delib.* l. 26. de *Iurejur.* l. 141. §. 2. de *Verb. Obl.* l. 4. C. de *serv. necess. hær. inst.* sicut econtra impuberis vox in specie pro pupillo accipitur, ll. 8. seq. all. III. *Stricte*, pro Impubere in potestate tutoris existente, quæ significatio Juridica, & hujus loci propria. *Pupillus* vero non appellatur is, qui in utero est, l. 161. D. de *verb. sign.* cum vix animal, nedum persona esse existimetur, sed spes tantum animalis, & ideo in l. 239. D. de *verb. sign.* per impuberem, & per consequens jam natum, definitur. Goedd. ad h. l. n. 3.

4.

Absolvitur nominis examinatio, *Synonymia & Paronymia*: illam quod attinet, diximus. th. præc. ponit aliquando pro Pupillo impuberem, tanquam genus pro specie, ut in l. 6. D. de Legit. tut. l. 1. §. 4. de Successor. Edic̄t. Item Minorem. l. 2. C. quand. mul. tut. off. fung. Auth. Minoris. C. qui dare tut. Nov. 72. præf Germanis dicitur ein Weißling/ Pflegkind/ Vogtskind/ Schard. Lex. Iur. Gallis, un orfelin, ou Pupille. Italis, un orfano, ô Pupillo. Hæc consideratur in vocabulis *Pupillariter & Pupillaris* à Pupillo descendantibus. *Hoc* tribuitur in jure vel *Ætati* Pupillorū, quæ finitur anno 14. in masc. & 12. in fœm. l. 16. D. de Inre fisci. l. 7. C. de Impub. & al. substit. l. 3. C. de Præsc. 30. vel. 40. annor. vel *Tabulis*, l. 38. in f. D. de vulg. & pup. subst. vel *Testamento*, l. 8. §. 5. de Inoff. test. vel *Substitutioni*, quæ fit liberis impuberibus in eum casum, si ante pubertatis annos decesserint, l. 2. de Vulg. & pup. subst. Item *Rebus pupillorum*, l. 5. §. 14. D. de reb. eor. qui substitutel.

IV.

Exposita jam ὀνοματολογία, ad πραγματολογίαν progredior, & Primo quidem ad Definitionem. Definitur autem Pupillus in l. 239. D. de verb. sign. *Qui cum Impubes est, desit in potestate Patris esse, morte, vel emancipatione.* Ponitur in hac Definitione loco generis *Impubes*, & recte, omnem enim pupillum Impuberem videmus. pr. Inst. quib. mod. tut. fin. non vero omnem impuberem pupillum esse ex eo deprehendimus, quod impubes divida-

dividatur in eum qui est in potestate vel Domini. l. 14. ad S^ctum Syll. vel patris; & eum qui sui juris est, sive in pupillum & filium famil. l. 18. Cod. de jur. delib. Differentiae loco ponitur, desit in potestate patris esse, morte, vel emancipatione. Mortem hic intelligimus, tum patris naturalem, pr. Inst. quib. mod. jus. patr. potest. solvit. tum civilem, §. 3. d. t. An etiam ipsius filij? Et quidem cum impubes per mortem naturalem homo esse desinat, superflua erit de illa quæstio: Mortem Civilem quod attinet, v. g. Captivitatem, vel Deportationem, (v. C. I. A. de tutel. θ. 12.) desinit quidem esse pupillus, §. 1. I. quib. mod. tut. fin. sed non desinit esse impubes, d. l. 14. ad S^ctum Syll. An autem his duobus modis tantum ex filio. fiat Pupillus dubitari possit? quod affirmatur.

V.

Divisionem quod attinet, comm. Dd. ex gradibus ætatis distinguunt pupillum, in Infantem, infantæ proximum, & Pubertati proximum. Pupillus infantis est persona septem annis minor, l. 18. pr. C. de jur. delib. l. 1. §. 2. de adm. iut. Aliter Hunnius, lib. 1. Resolut. tr. 4. quæst. 16. qui putat infantem esse eum, qui non intelligit & quod dicitur, & quod agitur, sensu scil. juris. Aliter etiam Ant. Faber, Iurispr. lib. 1. 12. pr. 6. illat. 8. p. m. 813. & seqq. qui putat infantem esse eum qui fari non possit, sive annis. 7. major, sive minor sit, quem refellit Consult. Dn. D. Georg. Rudolph. Affinis honor. in Disp. sua Inaug. de lute infantum, θ. 13. 14. 15. & seqq. quo me brevitatis causa remitto: hoc unicum addens, Pupilli infantis nullam me agnosceret subdivisionem; quamvis

A 3

enim

6.

enim sicut, qui diversas quoque infantiae aetates distinguant, v. g. tempus ambulandi, dentitionis, vocis asperioris, & expeditae locutionis, &c. quia tamen ea in sensu juris nullum effectum habent, merito eas omitto.

VI.

Pupillus infantiae proximus definitur ab Hunnio loc. cit. quod talis sit persona, quae quod dicitur quidem intelligit, non tamen quod agitur satis perspectum habet, l. 9. de acq. vel om. hered. & vicissim Pubertati proximus est is, qui intelligit, & quod dicitur, & quod agitur, tex. in l. 14. ad 5Ctum Syll. verum quoniam aetatis anno tales judicentur, gravissime inter Dd. controverti videmus. Videatur Magnif. & Consultiss. Dn. Dr. Rebhan, Patronus, Praeceptor, atque Promotor meus omni honoris ac observantiæ titulo aetatem colendus, in Hodegeta Iuris p. m. 494. & seqq. Antequam autem ad examen hujus questionis me accingam, illud obiter monendum, inter infantiae & pubertati proximos non dari effectu juris aliquod tempus intermedium, sed a quo tempore quis desinit esse infantiae proximus, ab eo incipere pro proximo pubertati haberi, nec statuendum infantiae proximum dici istum, qui per annum v. c. infantiam excessit: Pubertati proximum, qui ultimum pubertatis agit annum, & consequenter ab anno 8. usque ad complementum anni 13. neque pro infantiae, neque pubertati proximo haberi; silentibus enim legibus & rationibus, meritò nos quoque subsistimus.

VII.

His ita præmissis, diversas quasdam Dd. opiniones

nus referam; *Prima* est eorum, qui putant omnem eum esse infantiae proximum, qui infantiam excessit, nec tamen pubes est, §. 9. l. de inut. stip. l. 1. §. 2. D. de adm. tut. & contra, cum esse Pubertati proximum, qui ad pubertatem accessit, i. e. quando masculus jamjam annum aetatis 14. foemina 12. absolverunt. & seqq. attigerunt: Verum hanc sententiam absurdam esse, vel ex eo appareat, quod hac ratione proximus pubertati, jam esset pubes, non impubes, & consequenter impubertatis non tres, sed duo tantum gradus essent, contra §. 9. l. de inut. stip. §. 18. de Obl. qua ex del. nasc. l. 23. de furt. neque sequitur quemadmodum dicimus, illum infantiae proximum, qui infantiam excessit: est enim inter haec diversissima ratio; nam ubi de pubertati proximo agitur, non queritur an sit pubes, sed an futurus sit pubes; at cum de infantiae proximo agitur, non queritur utrum sit infans, sed an deficerit esse, ut uterque sub imputere comprehendatur.

VIII.

Altera opinio est priori contraria, ubi statuunt, pubertati proximum esse omnem illum, qui infantiam sive septennium excessit: utuntur hac ratione, quod pubertati proximus sit is, qui doli est capax. l. 23. de furt. l. 26. de jurejur. l. 4. §. 26. v. denique. D. de dol. mat. & met. exc. Doli autem capacem septennio majorem esse aff. c. I. X. de delict puer. Verum haec quoque sententia eodem vitio, quo superior laborat, cum hac ratione duo tantum Impubertatis gradus constituerentur: nec conceditur simpliciter eum qui 7. annos excessit, esse doli capacem, sed cum tantum, qui pubertati proximus est, d. §. 9. l. de inut. stiput.

IX.

Tertia quoque opinio eorum, qui putant proximum pubertati esse illum, cui ad plenam pubertatem sex menses restant, erronea est; utuntur quidem pro stabilienda hac sua sententia, textu, ut putant, expresso l. 17. D. de excus. tut. ubi haec habentur verba: nam si priorum pupillorum etas prope pubertatem sit, ita ut semestre tantum tempus reliquum furit &c. ex quo collendum esse arbitrantur, cum solum prope pubertatem esse dici, qui ultimum semestre anni 13. attigit. Urgent similiter terminum prope in jure nostro semestre tempus denotare, d. l. 17. l. 13. §. 2. C. de Iudic. sed facilis est responsio, si attendatur, JCto in d. l. 17. non fuisse propositum etatem pubertati proximam definire, sed hoc tantum decidere, an is, qui tria habet tutelæ onera, si una prope finem sit, propter etatem pupilli quarta sit onerandus? Ad quod respondet JCtus, non excusari, si brevi speretur tutelæ finis, v. g. si sex menses absint à pubertate pupilli; nec tamen inde licebit inferre, si is pubertati proximus est, cui sex tantum menses desunt, ergo non etiam is, cui longius tempus deest; liceret alias & sic inferre, proximus pubertati est, cui unicus dies deest, ad complendum annum 14. Ergo non is cui semestre tempus abest. Minus obstat d. l. 13. C. de Iudit. cum ibi de pupillo pubertati proximo sermo non sit, nec inferre licebit, terminum prope in aliqua juris materia & in primis Codice (ubi terminorum accurata acceptio rarius occurrit) restringi ad tempus semestre, ergo passim ita accipi; nam in alio quoque sensu verbum prope legitur in l. 95. §. 9. de solut. l. 41. D. de mort. caus.

caus. don. l. 5. §. 6. de re militari. l. 2. §. 3. de O. I. & ali.
bi passim.

X.

Quarta vix responsonem meretur, quando ex
l. 3. in f. D. de lib. exhib. quidam inferunt, pubertati
proximum esse illum, qui tribus diebus à puber-
tate distat, quippe cum ibi ne verbum quidem de
tribus diebus reperiatur: prætextatum autem pro
pubertati proximo accipere, & confundere, insi-
gnis est inscitiae, quippe quod prætextatus esse desi-
nat anno 16. demum finito, & 17. inchoato: imo si
textus iste de pubertati proximo exaudiendus esset,
hoc absurdum eveniret ut ipse pubes non impubes
hoc nomine veniret. v. 8. 7. & 8.

XI.

In tanta opinionum varietate Quinto loco repe-
tiuntur, qui ad arbitrium judicis configunt, ei que
totam rem decidendam relinquunt, hoc fundamen-
to nixi, quod à Judicis arbitrio pendere debeat id,
quod in iure nostro decisum non est, l. 1. in f. D. de Iur.
Delib. In primis cum non sit omnium regionum ea-
dem conditio, sed in una citius, in altera serius ho-
mines pubescant. &c. sed nec hæc subsistit sententia
si advertamus illud non minus pro deciso haben-
dum, quod ex iure per bonam consequentiam de-
duci potest, quam quod verbis expressis deciditur.
l. 12. & 13. D. de legib. Nec hoc casu recurrentum est,
ad regionum conditionem, cum potius spectandum
sit quid plerumque fiat, l. 3. & 4. D. de leg. idque eo
magis in hoc casu, ubi pubertatis tempus defini-
tum est. pr. I. quib. mod. int. fin.

B

XII.

10.

XII.

Supercet ut meam quoque sententiam exponam,
qua in parte medium viam eligens, tutissimum me
fore arbitror, si statuam medium inter infantiam &
pubertatem tempus, septem annorum in masculo, &
quinquaginta in foemina ita dividi oportere, ut dimidium
cedat proximis infantiae, reliquum tempus proximis
pubertati, hoc sensu, ut masculus impubes ab an-
no 7. impleto, usque ad annum decimum & dimi-
dium, proximus infantiae, de hinc usque annum 14.
impletum, pubertati proximus habeatur, foemina
vero usque ad annum nonum & decimum, proxima
infantiae, & postea pubertati proxima judicetur, quae
sententia utpote media merito amplectenda, §. ult.
I. de vulg. subst. & nullis partibus expressis, æquales
præsumuntur, §. 8. I. de H. ed. inst. fac. §. f. 1. quib.
ex caus. manum. non lic. ubi medium Justinianus viam
eligit. Hancque nostram sententiam tuetur Magnifi.
Dn. Dr. Rebhan. in Hodeg. pag. 496. Locamer. in Not.
ad §. 9. Inst. de inutil. stip. Hunn. l. i. resol. ir. 4. quast.
16. in f. eamque in praxi observari testatur Gomez.
3. variar. resol. i. n. 57. & plures alii,

Lubet hic querere, si contingere impuberem
circa terminum anni 10. & dimidii, vel contrahere
vel delinquere, an tunc pro infantiae an pubertati pro-
ximo habendus sit, nec ne? Quo casu distinguo,
utrum agamus de ejusmodi pupilli favore & com-
modo, & tum cum pro pubertati, proximo habebi-
mus, arg. l. s. D. de Testam. pr. Inst. de Auth. tut. An ve-
ro tendat ad pupilli incommodum & poenam, ut in
delictis, tum cum pro infantiae proximo judicabi-
mus.

II.

mus, arg. l. 42. D. de pæn. l. 3. D. de hæ, qua in test. de
lene.

XIV.

Cum nimis diu circa divisionem me moratum
esse deprehendam, properandum mihi nunc est, ad
explicationem jurium pupillarium: Commodissima
autem tractandi methodus ea videbitur, si pupilli
jura primo generaliter, deinde specialiter, ex triplici
juris objecto, personarum, rerum, & actionum, ex-
aminarem.

XV.

In consideratione Generali apparet pupilos esse
miserabiles personas. et. C. quand. Imp. int. pup. vel al.
mis. pers. cognosc. tum propter judicium quod vel om-
nino nullum habere creduntur. l. I. §. 3. l. 31. §. 2. D. de
A. vel A.P. §. 9. I. de inut. stip. l. 14. ad Sctum Syllan. quo
respectu etiam furiosis comparantur. l. 5. §. 2. D. ad
L. Aquil. l. 22. §. 2. D. quib. ex caus. maj l. 9. de A. vel. O. H.
vel saltem rebus gerendis insufficiens. d. §. 9. l. 14. ad
Sct. Syll. arg. pr. I. de Curat. l. I. de Minor. cuius respe-
ctu multorum insidiis subjecti dicuntur. all. ll. tum,
quod sibi ipsis, corpori puta, vitæq; necessitatibus,
prospicere, contrahere, bona sua administrare, se
suaque tueri non valeant, l. 7. D. de curat, furios. §. pen.
de Astil. tut. §. I. 2. I. de tutel. Inde permoti Legum-
latores largissimis eos beneficiis cumularunt. d. l. I.
pr. de Minor. Prospexerunt enim illis de tutoribus,
qui corum vitam, corpus, & bona defenserent, d. l. 7. d.
§. I. 2. I. de tutel. cum non modo parentibus & Magi-
stribus potestatem tutorum dandorum concesser-
runt. et. de Test. sur. et. de tut. dat. sed etiam agnatos ad
legitimam tutelam vocarunt. et. D. de legit. sur. et. I.

B 2

de le-

12.

de legit. agnat. tutel. & si contingeret libertos, matrem, agnatos, cognatosque, ad tutelam gerendam minus idoneos esse, illis ipsis tamen, ut alios tutores pertinent, aliquando sub gravi poena corporali, l. 2. §. 1. D. qui pet. tut. aliquando sub comminatione amittendæ hæreditatis injunxerunt, l. 2. §. 23. ad Sctum Tertull. l. 2. §. 2. D. qui pet. tut. l. f. §. 3. ibid.

XVI.

Tutoribus ita constitutis imposuerunt, ut pupillis de alimentis, quorum nomine veniunt cibus, & potus, habitatio, vestes, l. 43. 44. de verb. sign. l. f. de alim. leg. aliaque necessaria, l. 5. §. 12. de agnosc. & alend. lib. immo & informatio venit, l. 2. C. de Alim. pup. præst. prospiciant, vel ex bonis pupillorum propriis, tt. C. de alim. pup. præst. tt. D. ubi pupill. educ. §. 10. Inst. de susp. tut. vel talia à patre emancipatore exigant, l. 5. §. 1. D. de agnosc. & alend. lib. vel à matre, d. l. 5. §. 4. d. t. & in subsidium defientibus aliis remediis educandi alendique, Orphanotrophia, Brephtrophia, & Brochotrophia ipsis assignarunt, l. 17. §. 2. l. 19. l. 22. 23. C. de SS. Eccles. l. 32. 35. 42. §. 6. 9. l. 46. pr. §. 1. 9. C. de Episc. & Cler.

XVII.

Tutoribus ulterius injunctum est, ut bona pupilli probe & fideliter administrent, tt. D. de adm. & peric. tut. eoque nomine caveant, tum juramento, l. 27. C. de Episc. aud. l. f. §. 5. 6. Cod. de curat. fur. tum satisfatione, tt. D. de satisd. tut. tum legali Hypotheca, l. 20. de admin. tut. l. un. §. 1. de rei ux. act. quæ administratio consistit in agendo, l. 56. §. 4. de furt. Defendendo, l. 1. §. 2. 3. D. admin. & peric. tut. Acquirendo, l. 1. §. 20. D. de A. P. l. 65. §. 3. ad Sctum Trebell. Contrahendo, l. 22.

l. 22. de admin. & peric. tut. vel Authoritatem pupillis, si tantæ ætatis sint, ut aliquem intellectum habent, præstando, l. 1. § 2. de adm. tut. tt. I. & D. de Auth. tut. In eaque administratione dolum, latam, levemque culpam præstent, l. 20. C. de neg. gest. deque omni administratione rationem reddant, §. ult. de Attilian. tut. & reliqua solvant, ad quam præstandam ex quasi contractu obligantur, §. 2. I. de Obl. quæ quas. ex contr. nasc. & tutelæ judicio tenentur, d. §. 2. & tt. D. de tutel. & ration. distrah.

XVIII.

Et hæc quidem ordinaria data sunt pupillis remedia, verum extraordinariis etiam gaudent beneficiis: tributum enim illis est beneficium Restitutionis in integrum, quæ est remedium extraordinarium, l. 7. §. 1. de in Int. rest. l. 3. C. de Iur. reip. quo Magistratus naturalem æquitatem secutus, l. 1. l. 7. §. 1. D. d. t. tutelam minorum, (quorum nomine pupilos contineri certissimum est, arg. rubr. D. quand. ex fact. tut. min. agere vel conveniri poss. Cujac. ibid.) suscepit, eosque, si ob ætatis fragile & lubricum consilium, l. 1. de rest. in integr. l. 1. D. de minor. in captionem vel læsionem incidissent, in cum statum in quo ante læsionem erant, causa cognita, l. 13. 16. pr. l. 24. §. 5. de Minor. reponit, l. 24. §. 4. de minor. quo remedio quamvis si sine tutoribus contraxissent pupilli, opus non habeant, cum contractus sit ipso jure nullus, si non sunt locupletiores facti, l. 16. pr. d. t. salubritet tamen eo utuntur, si cum tutoris autoritate contra- xissent, l. 1. & 2. C. si tut. vel curat. interven. Coll. Jur. Arg. de Minor. Ø. 3.

XIX.

His ita delibatis pupilli jura secundum primum:

B 3

juris

14.

juris objectum conditionem scil. persona examinanda
dux: Cum autem homines ex personarum jure divi-
dantur in liberos & servos, ingenuos & libertinos,
cives & peregrinos, patres & filios familias, item, quod
vel in tutela vel in cura sint, vel neutro jure tenean-
tur, de singulis accuratius deliberandum: & I. qui-
dem omnem Pupillum liberum esse oportere firmiter
statuendum, §. 1. I. quib. mod. tut. fin. id quod tum ex
definitione pupilli supetius allata, tum ex aliis juris
textibus, & rationibus colligitur, fac. §. 1. I. de Tutel.
quamvis enim impubes servus esse possit, l. 14. ad Sce.
Syll. de Pupillo tamen idem juris non est, nam perpe-
tua inter haec in potestate Patria, Dominica, & Tuto-
ria esse, contrarietas est, ita ut neuter sub utraque esse
simul possit, nec duæ ejusmodi qualitates in uno sub-
jecto concurrant, sed posita una removetur altera:
quod si tamen dubitetur utrum impubes sit filiusfa-
milias, an servus, interim pro libero habebitur, &
pro pupillo, l. 1. §. 1. & 3. de Carb. Edict. Libertinus ve-
ro, quin pupillus esse possit, non dubitatur, arg. 11. I.
de leg. Patron. sus.

XX.

Deinde Civem Romanum esse pupillum debere, ne-
mo est qui dubitat, §. 1. I. quib. mod. sut. fin. cum juris
pupillaria quamvis ex naturali ratione aliqua sint in-
venta, §. 6. I. de Attic. eur. Jure Civili tamen ea in for-
mam redacta sunt, §. 1. Inst. de tutel. Locam. ibid. in
verb. Civilis. add. d. §. 6. Tertio sui iuris ut sit, neces-
se est: pr. Inst. de tutel. cessat enim pupillaris qualitas.
si vel in naturalis patris potestate reperiatur, d. pr. vel
per arrogationem, in patris adoptantis potestatem
transcat, §. 1. I. quib. mod. sut. fin. sanc ubi pendet jus
patris

patriæ potestatis, tum liberos interim pupillorum loco haberi non dubito, cuius certitudinem eventus probat, §. 5. quib. mod. jus pat. potest. solv. junct. l. ult. §. 2. C. de sentent. pass. & rest. Quarto pupillum in tutela esse debere existimo, arg. ite. qui per. tut. & ubi per. §. 6. inst. de Attit. tut. §. 1. Inst. de tutel. Quamvis enim contingere posset, ut tutorem per aliquod temporis momentum non habeat, l. 18. Inf. C. de jure delib. v. g. remoto, vel mortuo tutori, statim tamen petendus est aliis, eique constituendus. §. 6. ad SCrum Tertyl. vel ubi periculum esset in mora, ipse prætor tutoris officio fungitur, d. l. 18. inf. C. de Iur. delib. & quamvis contingere posset, ut pupillo curator quoque dandus esset, §. 3. Inst. de Curator. §. ult. l. de Autb. tut. non tamen per hoc tutela finitur, sed potius talis curator tutori adjungitur, dd. §§. N. 72. c. I. 2.

XXI.

Ulterius sciendum Pupillum alios in potestate patria habere non posse, tum quia adoptare non potest, §. 4. l. de Adopt. quamvis ipsem recte arrogari. & ita pupillaris qualitas tolli possit, §. 3. Inst. de Adopt. junct. §. 1. Inst. quib. mod. tutel. fin. tum quod nec nuptias contrahere possit, pr. l. de pat. pot. quamvis sponsalia recte contrahat, l. 14. de spons. nec obstat. l. l. C. de nupt. in qua de pupillis, nuptias contrahere posse, prædicari videtur, verum textum istum de futuris tantum nuptiis intelligendum esse non modo Juris analogia, sed & ipsa verba futuro marito ostendunt. Similiter nihil movent l. 15. D. de spons. l. 20. D. de rit. nupt. abusivè enim ibi terminus, pupilli accipi, pro ea quæ olim fuit pupilla, necesse est, §. ult. l. de Attit. Tut. quod si concederetur, filium naturalem impuberem habere posse, ma-

litia

16.

litia aetatem supplente, legitimus tamen non erit, pr.
junct. §. 12. I. de Nupt. In Potestate alias habere, &
apud Consilium justa ex causa manumittere potest,
§. 4. I. quib. ex caus. man. non lic. non tamen tutor erit
neque testamentarius, neque legitimus, neque dati-
vus, §. 2. I. qui test. tut. dar. poss. l. 8. D. de legit. tut. l. 13.
de excus. tut. & pari ratione nec curator esse poterit
d. §. 13.

XXII.

Pergo ad secundum juris objectum, Res nimi-
rum: Cujus respectu quæritur, an Possessionem, Do-
minium, vel aliud jus in re, Pupillus vel habere vel
acquirere possit? Quod utrumque affirmo: Nam
quod Dominium habere possit, & Dominus rerum
in commercio constitutarum esse, & possidere possit,
patet ex l. 32. pr. de acquir. Possess. l. 1. §. 2. l. 3. pr. & §. ult. &
et. D. de rebus eor. qui sub. tut. vel cur. etiam per servum,
d. l. 32. inf. videatur Honorandus Dn. Parenis in comm.
ad legem 37. D. de acquir. vel amitt. poss. th. 129. num. 3.
similiter etiam sine tutoris autoritate Dominium
perfectum ex causis lucrativis acquirit, pr. I. de Auth.
tut. §. ult. vers. at ex contrario. Inst. quib. alien. lic. vel non.
l. 11. D. de Acq. Rer. Dom. & possessionem l. 1. §. 3. l. 32.
§. 2. de Acq. Poss. multo magis cum tutoris autoritate
dominium nanciscitur, & possessionem §. 1. I. de Auth.
tut. d. l. 1. §. 3. d. l. 32. §. 2. de Acq. Poss. sed an tutor et-
iam non adhibito pupillo eidem vel Dominium vel
possessionem acquitat, plus videtur habere dubii,
propter regulam illam generalem, qua dicitur, quod
per liberam personam alteri nihil acquiratur. §. 5. Inst.
per quas pers. verum non obstante ea, dicimus, pertu-
torem acquiri pupillo etiā ignorantis, si ejus nomine
quic-

quicquam emerit, vel alio modo acquisiverit, l. 13. §. 1.
D. de acq. rer. dom. Locam. ad d. §. 5. ad verb. procuratorem. Placuit enim per liberam personam possessio-
 nem, & per hanc Dominium acquiri posse alteri, d. §.
 5. l. 20. §. ult. *de acq. rer. dom.* Quid autem statuendum,
 si tutor aliquid suo nomine, sed ex pecunia pupillari
 emisset, an pupillo acquiret? quod nemo, jus tamen
 tacitæ hypothecæ pupillus in ista re habebit, l. 7. qui
 pot. in pign. l. 3. *de reb. eor. qui.* De acquirendo pignore
 expresso idem, quod de Dominio vel possessione ac-
 quirenda mihi est judicium, l. 11. §. 6. *de pignorat. act.*
l. 2. per quas pers.

XXIII.

Et haec quidem de rebus singularibus: in Universitatibus acquirendis, plus est dubii. Nam Pupillus extranei hereditatem (nam ubi suus heres est, adiunctione opus non habet, cum ipso jure acquirat, §. 2. *I. de her. qual. & differ.*) etiam locupletem sine tutoris au-
 thoritate acquirere nequit, §. 1. *I. de Auth. tut.* nec tu-
 tor poterat nomine pupilli adire, quia jure veteri
 actus erat legitimus, l. 77. *de R. I.* quales per alium ex-
 pediri nequeunt, l. 123. *d. R. I.* quamvis in bonorum
 possessione acquirenda secus fuerit, l. 65. §. 3. *ad SCT. Trebell. l. 7. de jur. delib.* poterat tamen pupillus adire
 cum tutoris autoritate, §. 1. *I. de Auth. tut. l. 18. inf. C. de jur. delib.*

XXIV.

In translatione rerum pupillarum plus difficultatis esse certum est: nam pupillus nullam rem sine tutoris autoritate alienare potest, §. f. 1. quib. al. lic. Imò nec cum tutoris Authoritate, nisi res quæ ser-
 vando servari non possunt, l. 7. §. 1. *de administ. tut. l. 22. Cod. cod.* Pecuniam autem in id impendat, ut Pu-
 C
 pilli

pilli conditio melior fiat, puta si pro pecunia prædia emat, l. 7. §. 3. D. d. t. si dotem det, l. 52. d. t. si præceptoribus salario solvat, l. 12. §. 3. l. 13. §. 2. D. eod. res vero immobiles & preciosæ, quæ servari possunt, non aliter quā cum decreto Magistratus alienari possunt, l. 1. §. 2. & tt. D. de reb. eor. qui sub. tut. vel cura. certis tamen dictis legibus casibus exceptis. Hæreditatem quoque & honor. possessionem pupillus repudiare nequit sine tutoris Authoritate, l. 5. C. de repud. her. hoc tamen observandum, etiamsi pupillus contra aditam hæreditatem restitutus fuisset, adhuc tamen ad abstinendum restituī posse, l. 7. §. 9. ff. de Minor.

XXV.

Videndum nunc erit, quæ sint jura pupillaria circa jura ad rem, sive obligationem constituendam: Ubi poni potest regula generalis. Pupillo, etiam sine tutoris Authoritate, alium majorenem, ex quacunq; causa, obligari posse, hac tamen distinctione adhibita, utrum contractus sit ex una parte obligatorius, an ab utraque: priori casu simpliciter quis obligatur pupillo, ut si quis ad stipulationem promittat pupillo, pr. l. de auth. tut. Posteriori vero ut in emptionibus venditionibus, locationibus, conductionibus, depositis, mandatis, & similibus, si adultus cum pupillo contrahat, ipse pupillus quidem adulto non obligatur, sed adultus obligatur pupillo, d. pr. l. de auth. tut. quod non hunc habet intellectum, ac si, v. g. pupillus sine tutoris authoritate vendens, rem venditam possit retinere, etiam non restituto precio; non enim cum damno alterius locupletari debet, quia pupillus ubi locupletior est factus, firmiter obligatur, l. 5. pr. & §. 1. de auth. tut. sed ita intelligendum, ut pupil-

pupillus pro lubitu, à contractu, tanquam ipso jure nullo, impune recedere possit, l. 16. pr. de min. facta hinc inde distinctione si locupletior factus sit, §. ult. cum ibi notat. à Locam. I. quib. mod. tollitur oblig. Adultus vero, si pupillus vel tutor hoc exigat, contra-ctum servare tenetur, cum ex ejus parte validus sit, Locem. l. c. quod si tamen contigisset pupillum pre-cium male expendisse, & ita locupletiorem factum non fuisse, etiam non restituto precio rem venditam retinebit, l. 25. §. 1. de cond. ind. fac. §. ult. vers. fin. a. aliter. I. quib. alien. lic. vel non.

XXVI.

Econtra ex modo dictis constare poterit quomo-do & quatenus pupillus obligetur adulto: Ubi distin-gtionem superius allatam repetimus: Pupillum nem-pe obligari semper ubi ex re actio venit, l. 46. D. de obl. & act. l. 3. §. 4. l. 6. D. de neg. gest. sive si pu-pillus factus sit locupletior; l. 5. pr. & §. 1. D. de auth. ent. non obligari ubi locupletior factus non est, l. 25. §. 1. quand. dies leg. Unde anceps inter Doctores nascitur quæstio, An Pupillus sine tutoris Authorita-te contrahendo naturaliter obligetur? Affirmat in terminis l. ult. de jurejur. l. 21. ad leg. falcid. Negat id ipsum expressis verbis, l. 41. de cond. ind. l. 59. de O. & A. In conciliatione horum textuum multum desudant Dd. Goth. ad l. 59. superiore distinctione rem expedi-re conatur, utrum nimirum pupillus locupletior fa-tus sit nec ne, priori casu, putat naturaliter eum ob-ligatum, posteriori non æquè: sed hoc rem non ex-pedit: nam si pupillus factus est locupletior, tum non modo naturali jure obligatur (quod nullam actio-nem, sed tantum soluti retentionem parit. l. 6. §. ult.

20.

junct. l. 7. D. de fidejuss. sed etiam civili (quod actio-
nem producit, l. 8. §. 3. de fidejuss.) tenetur, l. 46. de
O. & A. & contra , quando pupillus stipulando ali-
quid promittit, tunc, quia locupletior factus non est,
ne quidem naturaliter tenetur, potest enim & solu-
tum repetere, l. 41. de cond. ind.

XXVII.

Commodior itaque erit conciliatio si dicamus
cum Ampliss. Dn. D. Biccio. p. m. in *Nucl. C. I. A. de*
Obl. & A. θ. 3. inf. distinguendum esse in termino *na-*
turalis obligationis: est enim naturalis obligatio du-
plex, alia quæ actionem producit, alia, ex qua nulla
actio, sed tantum retentio competit, per l. 10. *D. de*
O. & A. l. 16. §. 4. de fidejuss. Vnde quando dicimus
pupillum non obligari naturaliter, *l. 41. de cond. ind.*
l. 59. de O. & A. intelligimus, eum omnino non obli-
gari, ne quidem in secunda acceptione, quia factus
non est locupletior, *l. 25. §. 1. quand. dies leg.* si vero
dicamus illum naturaliter obligari, *in l. ult. de jurejur.*
l. 21. ad leg. fac. intelligimus naturalem obligationem
in priori sensu, sc. pro naturali & civili obligatione
simul , quæ contingit ubi locupletior est factus, &
actiones producit, secus tamen est, ubi pupillus aliam
obligationem in se recipit, tunc dicitur naturaliter
obligari, *l. 1. §. 1. de novat.* sc. ad liberandum debito-
rem, non tamen ad effectum erga se, *§. 3. l. quib. mod.*
zoll. obl.

XXVIII.

His ita generaliter præmissis, de singulis obligatio-
num speciebus accuratius videndum , & primum de
mutuo quod pupillus firmiter non contrahit, nam si
pecuniam mutuam sine tutoris autoritate det al-
teri,

teri, nihil agit nec nummos facit accipientis, sed vindicari possunt, si extant, condici, si consumpti sint, vel ad exhibendum de his agi, §. ult. quib. alien. lic. vel non. sin vero pecuniam accipiat mutuam & perdat, non obligatur, l. 59. de O. & A. sin bene impendat, tenebitur in quantum locupletior est factus, arg. d. §. ult. l. 5. pr. §. I. D. de Auth. tut.

XXIX.

Ita quoque in reliquis contractibus ac actibus humanis: nam constituere nequit pupillus, l. I. §. 2. de const. pec. ei vero recte constituitur, l. 5. §. 9. d. t. Commodatum accipere nequit, l. I. §. ult. commod. tenebitur tamen si locupletior factus, l. 3. d. t. nec dare poterit, arg. §. ult. Inst. quib. alien. lic. Pignus recte non constituit, l. I. pr. D. quæ res pign. l. ult. C. si res alien. pign. dat. l. ult. C. de reb. alien. non alien. nec accipit ad effectum pignoratitiæ actionis, l. 38. de pign act. at utiliter ad assecurationem suam, arg. pr. I. de Auth. tut. pr. I. quib. alien. non lic. Magister, aut institutor esse poterit, quatenus scil. perecum Dominus obligatur, l. 7. §. 2. l. 8. de Inst. act. non tamen ipse exercitor esse potest, l. I. §. 16. de exercit. act. nec alium præponere, l. 9. D. de inst. act. Peculiū servo recte non assignat, l. 3. §. 3. 4. l. 7. §. 1. l. 24. de Pecul. deponit, pr. I. de Auth. tut. non tamen accipiendo tenetur, nisi quatenus locupletior est factus. l. 11. & 15. deposit. l. 2. de fidejuss. & mand. Non Mandat, l. 95. §. 4. de solut. nec mandatum suscipit, ut ipse obligetur, pr. I. de auth. tut. nec societatem init, l. 33. pro soc. quamvis de negocio communi gesto tenetur, d. l. 33. l. 46. de O. & A. Neque emere, neq; vendere potest, l. 27. de contrah. empt. l. 13. §. 29. de act. empt. De locatione conductione idem est judicium, pr. I. de loc. cond.

22.

ut & in permutatione, aliisque contractibus inno-
minatis, ob similitudinem, quam cum empt. vendi-
tione locatione & conductione habent, l. s. §. 1. 2. de
præscr. verb.

XXX.

Dotem constituere nequit, nec accipere, quomodo
nus revocari possit, interim tamen quam diu co-
habitant retinere potest, l. 8. D. de cond. caus. dat. Te-
stamenti quidem factionem activam non habet, §. 1.
Inst. quib. non est permis. fac. test. & ideo parens pupil-
lariter ipsi substituendo, facere illi videtur, pr. & tt.
l. de Pup. subst. at hæres institui, & ex testamento ac-
quirere potest, §. 4. l. de hær. qual. & differ. Novum
opus quamvis non nunciet, l. 5. pr. de nov. op. nunc. &
tamen recte nunciatur, l. 10. II. d. r. non recte donat,
l. II. de aequir. rer. dom. at recte accipit, pr. l. de auth.
tut. arg. l. 3. C. de aequir. poss. recte stipulatur, l. 14. l. de
V. O. non tamen stipulando obligatur, §. 9. Inst. de
inut. stip. nec fidejubet, arg. l. 25. de fidejuss. pro eo ta-
men fidejussor intervenit, d. l. 25. Si novando alterius
obligationem in se recipit, liberatur quidem pristi-
nus debitor, at pupillus non obligatur, §. 3. l. quib.
mod. toll. obl. quamvis autem pupillo non recte sol-
vatur, si tamen resalva sit, & pupillus locupletior fa-
ctus per exceptionem doli mali salvatur solutio, §. ult.
l. quib. alien. lic. acceptum autem eidem quin possit
ferri nullus dubito, l. 2. D. de acceptil. quamvis eo mo-
do debitorem suum non liberet.

XXXI.

Quæ hactenus de contractibus dicta sunt, quod
pupillus inire nequeant, ita intelligi debent, si sine tu-
toris Authoritate fiant, nam tutore Authore ex omni
con-

contractu, ex quo tamen aliquid ad pupillum pervenire potest, obligatur, pr. l. de auct. tut. §. ult. quib. al. lic. vel non. Vnde non puto pupillum regulariter fidejubendo obligari, aut donando, quamvis tutoris consensus adesset, arg. l. ult. de curat. fur. l. 12. §. 3. de adm. tut. & ita quoque intelligerem stipulationem, l. ult. §. 2. de V. O. §. 9. l. de inut. stip. nam (1.) si ex nulla causa promitteret, donatio esset & nullius momenti, utpote quæ doli mali exceptione elideretur, l. 2. §. 3. de dol. mal. except. aut (2.) si locupletior factus non esset: ubiunque enim ex contractu apud pupillum aliquid residet, ad hoc restituendum tenetur, l. 5. pr. & §. 1. de auct. tut. Contra vero, etiamsi ob tutoris auctoritatem per se firmum sit negotiū, hoc ipsum tamen, etiamsi minor immodice læsus non sit, per restitucionem in integrum causa cognita cessantibus aliis remediis ordinariis rescindi possit, l. 1. 2. C. si tut. vel curat. interven.

XXXII.

De quasi contractibus notandum, obligari Pupillum etiam sine tutele authore ex negotiorum gestione, l. 6. ff. de neg. gest. Communium rerum administratione, l. 46. de O. & A. l. 33. pro socio. l. 25. §. 16. famili. hercisc. l. 15. de pecul. Tutele judicio contrario, tt. ff. de contrar. tut. act. & similibus, multo magis habebit socium negotiorum gestorem tutelemve & similes obligatos ex ejusmodi quasi contractibus, tt ff. de tut. & rat. distr. nam & indebit solutum repetit, l. 41. D. de cond. ind. ab eo vero non repetitur, nisi quantum locupletior factus est, §. ult. l. quib. al. lic. vel non.

XXXIII.

An autem ex delicto obligari possit? plus videtur
habe-

24.

habere difficultatis , quippe quod omne delictum proprie acceptum προαιγεσιν requirat & dolum , Bo-
cer. l. 4. Diff. 1. θ. 4. qui in pupillum vix cadit, qua-
propter hoc loco distinguendum est inter pupillum
infantiæ & pubertati proximum, quorum prior mi-
nime obligatur , posterior vero quia jam intelligit
quid agat, tenetur, ut in furto, §. 18. I. de obl. quæ ex del.
nasc. l. 23. ff. de furt. in damno dato, d. l. 23. de furt. in
injuria illata, l. III. D. de reg. jur. & similibus: mitius
tamen puniri solent, l. 37. de minor. l. 108. de R. I. l. 16.
§. persona. ff. de pæn. l. 2. de termino mot.

XXXIV.

Ex quasi delicto pupillum non teneri puto, quip-
pe quod in omnibus juris textibus, ubi de obligatio-
nibus pupilli delinquentis agitur, præcise doli men-
tio fit , d. l. 23. de furt. l. 5. §. 3. ad l. Aquil. & pass. qui
cum in quasi delictis cessat, cessabit & obligatio.

XXXV.

In delictis publicis criminalistæ communiter su-
periorem, quam circa delicta privata adduxi, distin-
ctionem adhibent , nimirum pupilos pubertati pro-
ximos, & doli capaces, ex delictis publicis obligatos,
non tamen poena mortis afficiendos , sed extra ordi-
nem puniendos, l. 7. C. de pæn. Const. Crim. Carol. V.
art. 164. quam poenam extraordinariam ad carceres,
relegationem & fustigationem usque extendi posse
putant DD. add. art. 164. junct. art. 158. 161. Imò in
atrocissimis criminibus capite quoque plecti debe-
re impuberis docet l. 14. D. ad Sct. Syllan. Carpzov.
in pract. rer. crimin. part. 3. quæst. 143. n. 48.

XXXVI.

Occasione tertii Juris objecti actionum scil. queri-
tur an

25.

ritur an Pupillus Magistratus, Index, Actor, Reus, Advo-
catus, Procurator, Testis, aut similis persona sive prin-
cipalis, sive accessoria judicij esse posse? De singulis ac-
curatius dispiciendum.

XXXVII.

Et quidem pupillum *Magistratum esse* posse, in-
de facile colligitur, quod etiam Imperatorum Re-
gumque aliquot in ea ætate ad summa rerum Gu-
bernacula sedere cœperint; Exemplo nobis sit ex Re-
gibus Judæorum Joas septem annorum, 2. Chron. 22.
Manasse 12. annor. 2. Chr. 33. Josia. 8. annor. 2. Chr. 24.
enumero Imperatorum Rom. impuberum sunt Ar-
cadius, Honorius, & Wenceslaus, quemadmodum
& ex Regum catalogo quamplurimi recenseri pos-
sent, si instituti ratio pateretur: Consules fuisse ali-
quando pueros, constat ex subscriptione l. 14. C. de
religios. ex qua apparet Honorium nobilem puerum
consulatum gessisse, ita quoque ad decurionatum
admittebantur, l. 21. §. 6. ad *municip.* Et ad officia mi-
litaria, l. ult. C. de *test. mil.* quæ tamen ita accipienda
sunt, ut ejusmodi pueris magis dignitas, quam offi-
cium fuerit commissum, quod per Vicarios expe-
diebatur, ut recte notavit Gothofr. add. l. 21. §. 6. ad
municip.

XXXVIII.

Quem in modum pupillus Magistratum gerere
potest, eodem quoque modo *Index esse*, & judicare
poterit, l. 57. D. de *re jud.* & quemadmodum rata
sunt ea jura & edicta, quæ ejus auspiciis publicaban-
tur, ita quoque sententia sub ejus nomine lata, vim
rei judicatæ habebit, Assessores enim jurisperiti de
D nego.

94.

26.

negotio referebant, sententiamque suggerebant,
quam deinde ejusmodi Magistratus vel judices sub-
scribebant, confirmabant, & suo nomine publica-
bant, l. 2. l. 13. C. de Assess. Nov. 60. c. 2. Alias per se so-
lus esse judex nequit, l. 12. §. 2. vers. natura, D. de ju-
dic. l. 41. de recept. arbit.

XXXIX.

Pupillus cum non habeat legitimam personam
standi in judicio, hinc fit ut ipse solus *agere* non pos-
sit, l. 1. & tt. C. qui legit. pers. standi in judicio non hab.
sed si infantiae major sit, cum tutoris autoritate age-
re poterit, l. 2. C. d. t. vel ipse tutor ejus nomine aget,
l. 1. §. 2. de adm. & peric. tut. de appellatione interpo-
nenda, & prosequenda simile erit judicium, l. 24.
§. 1. pr. l. 27. l. 28. §. 2. de appell. imò & mater appellare
poterit nomine filij, l. 1. §. 1. de appell. recip. in accusa-
tione tamen criminis publici regulariter pupillus
non admittitur, l. 8. pr. de accus. nisi suam suorumque
persequatur injuriam, tum enim cum tutorum consi-
lio accusabit, l. 2. §. 1. de accus. si modo infante ma-
jor sit: Gothofr. ibid. poterit tamen tutor proprio no-
mine, ex delicto in pupillum commisso alium accu-
fare, l. 2. C. de his qui accus. non poss. fac. l. 2. C. de his
quib. ut indign.

XL.

Econtra, ex jam dictis facile colligimus pupillum
solum sine tutoris autoritate, nec citari ad judicium,
l. 4. pr. l. 22. de inpr. voc. nec in judicio conveniri pos-
se, l. 2. l. ult. C. qui legit. pers. stand. (posse tamen tum cum
tutoris autoritate, tum tutorem solum ejus nomi-
ne, l. 1. §. 2. de adm. tut.) multo magis si ob delictum
D 2 accu-

accusetur tutoris necessaria erit authoritas, l. 4. C.
de auth. præst. & si pupillus tutore esset destitutus,
ipse, qui cum pupillo in judicio experiri vult, im-
petrare debet, ut tutor ei constituatur, l. 2. §. 3. qui
pet. tut. l. 4. C. d. t. l. ult. §. 2. verf. ne autem C. de adm.
Et peric. tut. l. 7. §. 5. de minor quia sententia contra
pupillum indefensum lata est ipso jure nulla, l. 6.
C. quomod. & quand. jud. l. 45. §. ult. l. 54. pr. de rejud.
quamvis ex primo decreto rei servandæ causa in ejus
bona creditor mitti possit. l. 5. pr. §. 1. l. 6. §. 1. l. 16.
quibus ex causis in poss. & si vel ipse vel tutor ejus ju-
stè sit condemnatus etiam in pupilli bonis senten-
tia executioni mandatur, l. 2. pr. de adm. Et peric. tut.
l. 7. quand. ex fact. tut. l. 1. C. eod. & ideo tutores non
absolute litigare tenentur, sed bonam fidem agno-
scere, solvere, & ita litem declinare debent, l. 9. §. 9.
D. de adm. tut.

XLI.

Advocatus aut Procurator pupillus esse nequit,
per text. in leg. 1. §. 3. vers. pueritiam. D. de postulando.
Nam qui ipse proprio nomine, & propria in causa nō
admittitur, multo minus admitti poterit in causa ali-
ena, arg. §. 13. l. de exc. tut. quod secus est in minore
25. annorum majore tamen 17. annorum, qui &
Advocatus, d. l. 1. §. 3. de postul. & Procurator esse po-
test, §. 5. l. quib. ex caus. manum. non lic. nec Dominus
contra ejus factum restituitur, quia sibi imputare de-
bet, quod tali usus fuerit, l. 13. pr. §. 1. D. l. de minor.
Ratio diversitatis ea allegari posset, quod pupillus
omnino non obligetur, minor & firmiter obligari
possit,

28.

possit, quamvis restituatur in integrum, l. 3. C. de res.
in integr.

XLII.

Ita quoque ad *testimonium perhibendum* prorsus
incapax est pupillus, neque enim in testamentis ad-
mittitur, l. 20 pr. qui test. fac. poss. neque in civilibus
negotiis, l. 3. §. 5. l. 19. §. 1. D. de testib. neque in crimi-
nalibus causis, l. 20. D. de testib. neque etiam pubes
factus, de eo negotio quod in impubere ætate conti-
git, l. 14. D. ad SCt. Syllan. l. 1. §. 1. de test. nec alio mo-
do probatio ab eo exigi debet, puta per jusjurandum,
l. 34. §. 2. de jurejur. (secus est in jurejurando à parte
delato, l. 26. pr. d. t.) aut per torturam, l. 10. pr. l. 15.
§. 1. de question. l. 1. §. 32. 33. D. ad SCtum Syllan.

XLIII.

Debuisssem hic quoque *de muneribus publicis*, an
& quatenus pupillorum eorum intuitu habeatur ra-
tio, longius excurrere, verum cum jam superius ex-
plicatum sit, pupillum esse Civem Romanum, sui
juris, honorum quidem Magistratum & militarium
certo respectu non tamen officiorum publicorum
capacem, ea hic non repeto: unicum hoc adjici-
endum puto; pupillum ab oneribus personalibus
immunem esse, l. 8. de *muner.* ad munera autem rea-
lia obeunda eum astringi, l. 6. §. 3. & 4. de *muneri-*
bus & honor.

XLIV.

Hæc sunt quæ ex universo jure de pupillis in-
fantiæ majoribus, pro ratione instituti notare volui:
Satis

29.

satis enim accurata tractatio, non Disputationem
sed Volumen, non Edictalem aut Papinianistam, sed
Jureconsultum requirit; qua propter pedem sisto.

*Deo Ter Optimo Maximo sit Laus, Honor,
& Gloria in secula nullis seculis
terminanda.*

90.

F I N I S.



21 VI 17

Strassburg, Diss., 1665-66

f



3

TA POL


hur 5 bisher verknüpft

WOMA



Farkarte #13

B.I.G.



81
14
1665, 13.
**IO JURIDICA
ILLI
MAIORE,
UVANTE,
ramine
R I
lissimi, Consultissimi,
ellentissimi
N - MELCHI-
S H E N S /
centoratensium Universitate
Ordinarij Famigeratissimi,
ptoris sui omni Honoris ac
ulo ætatem deve-
andi.
um ventilationi exponet
CKHERR, Argentorat.
c Resp.
Mensis Martij
TORATI
IS WELPERI.
LXV.**